

舊府

大各府
元城縣

魏縣

漳河

小灘鎮

衛河

六各縣

南樂縣

清豐縣

丙黃縣

開州

濬縣

滑縣

長垣縣

東明縣



大名府志

按元輿地圖河北山東西盡中書省所轄也國家割鄴汲以西隸河南割濟博以東隸山東而大名府郡衡距百四十里縱特三倍之北繚館陶南深入蘭陽儀封之間而獨領於畿內者何哉要之在易制耳河朔之地西接太行北距蜚狐東窺齊魯南阻河爲險自古稱重鎮蓋其形勝隱然四境之外固不區區在疆域間也唐不能分其地而并爲河北路故藩鎮擅其疆而唐以斃宋不能分其地而并爲京東西路故契丹擅其疆而宋以削豈盡將不强士卒不衆哉由形制之失其利也國家

卷五

北直四

二

引大名獨斷而爲三不設兵衛而沃壤千里輔車都甸意深遠矣

所屬州邑滑爲最大開次之長垣魏縣地不逮滑也而物產稱饒焉元城豐濟三邑等耳南樂又次之東明又次之內黃與開州接壤並稱磽确且多硝河下墊故多沙鹹苦淹者以十年之通居六七也是以令於斯者慙蹙額以從事又大名縣自古稱元城之貴鄉或置或省當洪武以前府治東去縣三十里似不可已今旣徙而西凡大名縣所稱膏腴地皆割而爲府治城內外及四關皆是也以故地益蹙民益貧令雖賢莫可展布以今

視之誠可省而入於元城也

府故城在城迤東八里唐魏博節度樂彥禎所築也周
八十里號為河北雄鎮宋慶歷間復建為北京百官有
司畧如東西京故事詔輸內府緡錢十萬築行宮洪武
三十四年水圯為患都指揮吳成始徙築今城周特故
城九之一高三丈有奇南距衛北負漳為險嘉靖以來
漳并流入衛頗或齧城矣按漳衛二河遷徙不一大約
衛常安流漳善猛汎國初漳
水西注魏縣北歷西店東注館陶合衛水正德初徙府
南閻家渡入衛又十年自雙井入衛皆由艾家口東北
經小灘館陶入臨清堤堰完固環抱郡城雖時小決亦
易補塞自嘉靖三十六年復決於回隆之下遂合艾家
口往大名縣南分流汗漫至岔道村始入舊河河身狹
每夏秋水漲輒泛溢四出為害滋甚柅潘誌欲求故道

卷五 北直四

引使北流以殺其勢然嘗病其糜費頗多似難卒復今
大名縣西漸有支流去艾家口僅三里許可開新河北
人循艾家口舊道用力不費而續用可成矣此道河設
險之策也漳河之西徙也土為風氣慮民為貿易慮
雜稱不便業先告浚者屢二十九為知府塗時相蒞任
後遮道陳利病乃循與見詳當道檄該管大名知縣鄭
得書將衛河自白水村至艾家口開渠十一里達漳河
故道復自艾家口導支流入府城濠壬辰年功甫就初
擬築堤於衛河之東全引衛水於漳大通舟楫適是年
秋淫雨泛濫勢甚洶涌然賴二派分流大名甚幸不為
治復僅引三分於漳仍流七分於衛俾兩利而俱存之
乃沙堤復有衝開河身仍涸近於城西南漳河村置閘
又議於忠孝祠前築堤
涸則注之溢則洩之

按隋唐時黃河在澶滑之間隋置黎陽倉漕粟入汴梁
節度羅紹威亦歲輸穀百萬以供京師而宋人因之此
大名歲漕之畧國家以來黃河南徙蘭陽儀封之間而

餉道絕故河南輓漕每歲遣部使者一員駐鎮招商估價轉糴輸兌民數千萬石於是山東之粟東至磁鄴之粟西至濬黃之粟南至亦一都會也鎮有浮艘二所曰廣濟橋有戶部分司布政分司規制畧備

魏 北阜鎮界成安臨漳之間民餽而廬者千餘家知縣馮惟訥始檄堡北阜明年復堡雙井而知縣董威繼之置義倉及斥堠戎器之數畧備雙井阻漳衛合流之衝亦他日列屯地也邑人王永壽記嘉靖甲寅知縣陸東復堡沙口當郡縣之中居民數百家其地東倚城郭西入魏由邯鄲之道走邢襄踰恒山上谷以達於京師

卷五

北直四

四

自井陘而下守魏則郡之全境安非涉沙口郡城未可窺也邑人申旆記

濬 濬故稱黎陽隋唐時城大伾山麓北而一統志云廢黎陽縣在今縣西二里蓋黎陽漢以來嘗置兵監聚六郡校士戍屯於此入隋唐咸列重鎮焉按故址衛水以西也水經酈道元注云黎山之北故城蓋黎陽縣之故城也今黎山不可攷宋天聖間濬州治沒爲湖始徙浮邱山巔洪武初復徙山之北陂宏治十年知縣劉臺城周七百三十丈有竒是時城西連浮邱登高內瞰指顧畢盡不可戍守嘉靖二十九年知縣陸光祖乃截西

南隅棄之城外據山岡險絕處改築焉於是城小且堅可恃爲永利云

開州 開故城按五代晉與梁人戰以鐵鎖斷德勝口築河南北爲兩城號夾寨宋獨守河北城而熙寧十年河決爲患始徙築今城前方列而後拱形如臥虎周二十四里

東明 杜勝集在縣南六十里邇年以來黃河數出沒經流其間置通判一員督夫繕塞卽宋監河堤使也

山川

大名諸州縣境內曼衍相屬無他山獨滹陽淇衛之間

卷五

北直四

五

余嘗登大伾最高處望之蓋衿太行之左麓也故其下多山淇水自縣西北入界南流至枋頭仰合衛水折而蜿蜒西北滌縣之右北接漳流以出諸山亦循二水而出縣之最西北八十里而峙者曰黑山周五十里漢獻帝時黑山賊十餘萬衆掠魏郡卽其始跡地也山多削壁怪石迴蹊曲澗盤鬱其中黑山西南曰陳家山左揖而南五十里曰童山隋宇文化及曾與李密戰其下山無草木故曰童童山之麓連縣巨引四十里北屬善化山其行若遊龍而所當脊處若龍脊也故曰龍脊岡岡之西有山相輔而行西屬太行口達西岡善化去縣西

北二十五里山出雲多樓觀亭臺或舟車旗鼓人馬之
狀幻態百出故曰善化分而爲三故一曰三山俗傳紂
殺比干於此故又曰枉人山山多花斑石可爲屏几柱
礎或曰善化者卽其氣也近因採石太多變狀頗少矣
山下檻泉七十有二而龍脊之左有山曰白祀白祀章
山之下並有陂按鄴道元水經注云五穴口二水逕五
軍東分爲蓼溝東入白祀陂又南分入同山陂溉田七
十餘頃同山卽童山也童山之麓又別有陂羅河南流
至龍口峽伏流地中潦溢則會於長豐泊地里志曰天
下水名泊者二一曰梁山泊一曰長豐泊長豐泊卽二

陂所會今爲牧馬逐水草處聞之父老曰東行尙有廢
閘址今其地多沮洳地頗不耕稍依廣平滏河故事沿
岡穿渠東屬屯子口入衛則其田固多可稻也山東行
伏衛河之底而突起繚於衛之東岸者曰浮邱今縣西
枕衛跨浮丘之脊而城浮邱之東二里曰大伾禹貢道
河東過洛汭至於大伾是也周五里有奇上多浮屠宮
巉崖洪洞之跡焉 大伾之東曰鳳凰東北曰紫金二
山者大伾之餘氣也其合淇衛交流之口無復旁引蓋
太行左俛止處矣故世多帝王都邑及賢豪舊跡往往
不可勝數焉又按傳紀別有黎陽山今失其處若他州

縣志以山書者尤為衆滑多曰鮒鰈山經曰高陽山海

陽九嬪葬其陰四蛇衛之曰白馬山寰宇記在縣東北

方輿勝覽一名青塚山也曰白馬山寰宇記在縣東北

云昔有馬羣行山上悲鳴則河決馳走則土崩故津與

縣皆以此名今縣東三十里有村曰白馬曰天臺山宋天禧三年

曰狗脊山其地出狗脊草故名曰天臺山宋天禧三年

山今城西有高堤開曰金沙山在州城東門內迤北宋

出弟彭年代領金人攻降之棟歸瘞其守卒嬰城固守

金兵復大至屠其城兄弟皆死人為瘞骨立塚如山因

以名曰洪洋山道郎真人嘗遊於此後遂葬焉今地廢

曰衛陽山居衛之陽今莫知所在曰鷄鳴山在儒學東

明曰白雲山或曰漢張良托辟穀隱東明之曰龍光山

在縣東南清豐曰秋山在頓丘廢縣西北山海經云帝

三十里故道南樂曰方山在縣北七里方山故時相傳有東西

矣呼之曰大名曰愜山縣北十五里或曰漢成帝時河決王

今舊城之西有愜山元城曰沙麓山縣北四十里春秋

山為卽其遺址元城曰沙麓山縣北四十里春秋

月辛卯沙麓崩卽此漢間多本傳記頗可次驗然或為

王翁孺嘗徙居其下聞所指畫惟抔土列草莽間高者二三丈下者尋尺而

已余故不詳特附傳記所載以備來者之覽焉

右大名境內諸山紀

按古傳記黃河為最大濟次之淇次之洹水蕩水清水

及茨防宜師溝諸水又次之而漳衛不與焉於今多湮

謬異同不可攷桑欽水經曰河東之水淇水入焉東至

遮害亭注曰淇水東一十八里有金堤堤高一丈餘淇水口稍至遮害亭西五丈又有宿胥口舊河水

焉北入又右逕滑臺城又東北過黎陽縣南又東北逕吳

子胥廟南注曰廟在北岸頓丘界臨側長又東北逕戚

城西注曰今為又逕繁陽縣故城東又東北逕樂昌縣

故城東又東北逕元城縣故城西北而至沙邱堰濟水

東逕封丘縣又東逕東昏縣故城北注曰濟水自大徑入河與河水間溢

為榮澤不可曉淇水東過內黃縣南為白溝注曰寇水東南人

潰受河於頓丘遮害亭東黎山西北屈從縣東北與洹水合注曰白溝

水從西南來注之又東北逕羅勒城東又東北逕滹水注

之謂之利漕口自下漳水白溝淇河咸得通稱矣

卷五

北直四

八

又東北過館陶縣北洹水東北逕鄴縣南又東過內黃

縣北入於白溝蕩水出河內陰縣西南山東又東北至

內黃入於黃澤蕩水即湯水也注曰蕩水亦謂清水東

過汲縣北又東入於河注曰清水又一日羨水出湯陰

西北四十里流羨里城北東至內黃與防水合而水經

注又云防水出安陽縣西北東經防城故名又東合湯

水入黃澤宜師溝東北至內黃入湯水自魏武築衛河

北流四水並入於衛欽漢人注之者酈道元魏人此漢

魏以前諸水所經流畧也然按漢書溝洫志唯黃河為

患餘水不詳見武帝時河決瓠子口又放黎陽遮害亭

帝自臨決河、令羣臣從官自將軍以下皆負薪寘之、乃塞成帝時復決、隋書以後頗見傳記爲患、然亦不數、唯五代及宋南渡之際、歲決濬滑開黃南樂清豐諸州縣之間、而諸州縣壤半爲魚龍之宮、當是時天子震悼遣大臣沉白壁白馬以祭、而州縣長吏並兼河堤使、以嚴水患、又增置都水監使者、行視河決賦諸州薪石、撻檝芟竹輸大名、歲數千萬、然迄無成功、與宋相爲終始、何者其病專在捍隄回河、而不能順下以道也、元賈魯治河以後、河頗南徙、所爲大名境患者不數矣、今其流在封邱蘭陽之間、去長垣東明遠者越百里、近者六七十

里當數世無恙、余故不論著、而衛河者、卽水經淇湯諸水所合流以出者也、一名曰御河、近內黃以下爲漳水所合、按經曰、涼水東過列人縣東、北過赤漳縣南、又東北過曲周縣東、又東北過鉅鹿縣東、按宋河渠志、惟黃河數於王供埽諸處、溢入衛河、有司輒塞或沙河間亦引水併入、而終宋未嘗與衛合流者、國初漳西注魏縣而北、歷西店、東至館陶入衛、正德初始徙府南閻家渡入衛、又十餘年、自雙井入衛、近復自回隆入衛、經稱漳水湍悍、併流漸南、則衛所嘗受處漸湫溢、邇年以來、濬縣內黃之界、頗數患溢齧、而大名艾家口迤西、漂去廬

舍淹民田者不可勝數或草議循漳河故道節入衛之處分流北注以殺河勢此最計也特惜興徒煩鉅稍欲繕隄防以護河決於乎宋之六塔河故事可鑒予不敢不為土之人深長慮也萬歷十九年知府塗時相議浚河自白水村至艾家口於一里達漳河其詳見境內圖記雕馬河在大名縣北今湮王莽河即屯伏河故濱土人悞呼為王莽河在元城縣唐末攻陷魏州沙河舊自南城西引漳入北灌御河復西壁即此北出城灌流沙河南北長二十里東西濶二里其流滑河自大洛以西百水皆會於滑唐沈嘗不定近沙麓滑河亞之嘗作魏滑分河錄此即黃河運滑者也志濮水在開州東六十里即莊鷺鷥泊在內誤別為滑河高雞泊在府界唐節度為濮州境鷺鷥泊在內洹水縣西周八十里龍窠河距南樂縣六十里自冠縣

卷五 北直四

右大名境內諸水紀

大名境內別有窪水窪水者非出泉谷有經流志所不載頗瀾漫田間沮洳為患者也其為最鉅者一曰衛南陂由滑縣南界受昨城孟華潭王德口諸水北注匯城而東又迤北逕桃園而東南匯為衛南陂所浸沒者凡四十里許或曰衛南陂即古衛南縣廢治也二曰澶州陂或曰古澶水也舊志在頓邱廢縣西南二十里伏流至古繁水謂之繁泉今按澶水由開州南界東北逕清

河頭十之七分注於霸家河又東逕濮州入於張秋十之三分至於清豐縣東南界孫古城北匯爲朱龍河又西受硝河之自傳家河而東注者流次邵家灣次英滿城而北瀦於南樂趙庄或卽古繁泉是也間溢則又東引清流橋以達東館鎮是也三曰硝河由滑縣北界其一逕開州馬駕河東北注戚城畔東匯爲趙村陂所浸沒者地七八百頃而西引黃家潭口復會入於白倉之北畔夾戚城逕白倉北合趙村陂而來還者會於傳家河北注岳儒固以達東館或北注於大名其一由石村灤內黃東北逕大名屯橫腰大名縣南界又東北注三

角潭而十之三自飲牛口注衛十之七自梅家口注衛是也間水溢硝河北注之勢不能直則一由石村分注開州火燒店逕清豐之秦村至會於岳儒固一由內黃城東逕南樂西近德固復注之主流者若經帶而交內黃清豐南樂之界者也水少殺則不漳衛之決齧其患固大或數十年一適或十餘年一適民猶稍得繕隄廬以避之而諸水所瀾浸田陸之間十歲九適不得他徙春冬稍耗秋夏則溢然爲江湖鳧雁之澤而硝河者又泄鹵下墊凡所經流率數歲不復芻牧計南北縱一百六七十里橫或十數里少者二三里予間行縣求之蓋

兩河之間古受井田處也自秦廢阡陌歷唐宋以來溝
洫之規漸蕪沒不治故率爲田陸而大名諸州縣西南
接太行之左麓而下其地由西南俯注而滑爲受河南
界諸水最巔脊處迤東北則開州內黃清豐又東北則
南樂大名而東爲張秋漕河北爲衛河東北爲山東冠
縣界乃其所壑處也水之行地中也猶人血絡手足百
骸之間血循絡則治否則錯經妄行爲痿痺崩漏數百
里之間曠然平隰邱阜相亘而無丈尺之渠以瀦瀉其
間雨三日二日便爲漑滋稍遲之旬日則壅腫內溢矣
烏得而不壑也余問長者疾苦狀或言鑿開州之南堤

疏衛南陂之水東北合澶淵東注之以入於張秋而朱
龍河以下特合其受清豐南樂本境之水而已鑿隋河
東西二支一則由內黃入大名之梅家口一則由開之
戚城寨趙村隄傳家口之東注者而直入於岳儒固逕
東館大者廣一十丈小者減三之一深特十之一而旁
甃以堤堤之左右分疏田間水道倣江南旱涸之法而
穿埧於堤之下以瀉堤所阻捍之處如此則衆水各有
所歸而歲可樹穫矣

右附論大名境內邇年諸窪水之患

故時堤渠之跡在元城境者曰西渠

在縣西二十里唐開元間刺史盧暉

開道濟渠以通江矣曰寸金堤在縣北宋韓魏公所築之貨今淤為平壤矣

曰王村堤自清入元城界在大名境者曰遂家堤

去縣東三里許相傳曰李茂堤去縣東曰范勝堤去縣

十五曰張家堤去縣曰附城堤環縣治以衛漳水正德

柳千株故又曰諸公堤去縣治西北二里嘉靖巳曰衛

名吳公柳堤曰諸公堤西知縣諸佃增築故名曰衛

河堤在縣西北五里起新鎮達館陶延亘曰紅舡灣堤

在艾家口東北一里許宏治初曰沙邱堰水經云在貴

衛決為患亦知府李瓚所築曰沙邱堰水經云在貴

或云即沙堤在魏縣境者曰漳堤自臨漳延亘八

舊府西北隅在魏縣境者曰漳堤自臨漳延亘八

里北岸自城安五里俱由魏縣抵元城界每夏秋淫

雨河漲衝決甚慘萬歷中六年北徒邑南郭外堤下知

縣梅守信補築大堤以防之二十年教諭胡連署築因

河決臨漳舊口淹損麥苗請於道府移文臨漳廣平元

卷五

北直四

三

城三縣破患處協大賦等控告水災隨親詣查勘鳩夫

田大年同鄉民張公堤環護城外宏治間知在南樂境

重者為一勞曰鮑公堤縣環護城外宏治間知在南樂境

永逸之計曰鮑公堤縣環護城外宏治間知在南樂境

者曰宋堤東去縣十八里黃河兩岸自清豐在清豐

境者曰復關堤寰宇記濟州臨河縣復關堤自黎陽入

在內黃境者曰六輔渠漢倪寬為內黃令開渠曰高堤

南起高堤鎮北接泊曰黃澤堤在縣西北五里澤廣數

口集延亘四百餘里曰黃澤堤在縣西北五里澤廣數

破五校即曰倪堤倪寬所築曰古堰修築出境乃止在開州

其地也曰倪堤倪寬所築曰古堰修築出境乃止在開州

境者曰宋堤去州南里許宋熙寧間河曰靈平埽在州

里宋熙寧間所築水漲在滑縣境者曰鯨堤在韋城廢

隨圯隨築滑縣亦水漲在滑縣境者曰鯨堤在韋城廢

里鯨治水曰瓠子堤在城南三里曰陳公堤在城南十五

時所築曰瓠子堤在城南三里曰陳公堤在城南十五

佐曰大堤東南西有二一在縣西曰東西堤一在大
築堤開州七人呼為曰新堤正統四年河決西接衛輝東
來堤一在八字口曰新堤之馬村大關村三十餘里因
築此禦之東接在濬縣境者曰永濟渠在縣北十里今
廢內黃亦有之濬西城下即衛河廣數丈堤甚卑薄
上受淇水諸流夏秋淫雨暴漲濬沒民田西南二陂水
害尤劇萬歷六年知縣任養心於舊堤外八里許自羊
石村至侯固築菜長堤以障之濬人至今利賴濬有
黃河故道眾流所歸國初於縣北四十里大齊村東舊
堤開一堤口以洩衆水由田氏村順入衛河東濬西濬
民得安堵萬歷十一年滑縣土豪徐守定等鳴於兵備行大名
水禍濬北一帶幾魚籠濬民張志等鳴於兵備行大名
蕭知縣查鞫得情徙在長垣境者曰三尖口東至縣三
而正之洩注如初
晉魯築堤曰朱家河堤曰三春柳堤曰大岡堤曰閻家
始於此
潭堤以上四堤並曰油房村堤在安曰牛家口堤在黃

卷四

北角四

十四

曰周村堤在烏曰速報司堤在亂曰常村堤曰新豐
堤二堤相屬在縣西南三十五里自朱家堤在東明境
者曰長堤南距縣六十里西人長垣東抵曹州綿亘二
門俱有護城濠堤惟城門堤外舊有普河一道當黑羊
山下流歲久衝淤漸成巨浸淹沒禾稼浸害城郭知縣
區大倫增高共現以障曰杜勝堤在縣南六十里嘉靖
之仍增橋以殺水勢曰杜勝堤在縣南六十里嘉靖
修築堤屬夷明者三十三里皆近年所築知縣區大倫
督令堤夫歲增之內外栽植榆柳一十四萬餘株根枝
播結長堤孔固曰七堤西距縣四十里亦曰金堤堤最
河不為患矣曰七堤西距縣四十里亦曰金堤堤最
文帝時已有之漢書曰河決酸棗東須金堤是也廷表
二百餘里聯絡於元城南樂清豐開州滑縣東明之間
宏治中河水泛溢
知府李瓚增築

右志境內堤堰溝渠之跡 愚按古人建城必為水

溝以引城內潦出而逕之濠水通流域以內室虛保
無淹浸卽大名郡城只南門下通一渠而西北東三
門更無水口雨多水溢聽浸溢於城內隙地如遇霖
潦泛溢則合城爲巨湖居民其魚矣若西南大寺前
東南隅角樓下池窪下可通溝而他十州邑城更無
一通水溝蓋未見水患而莫肯預圖也

通判楊瑞雲識

方物志

余嘗覽傳記五方之產名山多金玉嶺海多翡翠玳瑁
豫章多漆長沙以南多丹礪塞以西多石馬何者山壑
偏阻塊瑋磅礴之氣故也大名爲中州故其民人宜稼

卷五

北直四

五

穡其土宜五穀蔬果牛羊雞豚以爲養率五方所同也
無他方物書攷故時黃河經流其間江淮閩蜀之貨往
往遠者萬里近者數千里各輻輳至而國家以來河南
徙濟東阻數百里惟臨清爲南北都會稍稍轉輸通有
無於市閭之間然錦綺翡翠珍異之物亦不至余嘗按
次境內多黍多稷多粟多梨棗其耕畜牧百畝之家百
樹梨千樹棗牛一頭騾二頭千畝之家千樹梨萬樹棗
牛十頭騾二十頭此其大較也魏以西南多桑絲滑黃
以北多硝多鹼黃之人不得種樹老少數煮鹽以贍朝
夕而有司奉法爲厲禁不得出郡縣他境故其價輕售

而民人貧瀕滄衛之間頗有魚鱉然泉澤多而網罟少
木多榆柳民間廬舍器具各採園林所樹以自給非勢
至巨家不以輓五方濟汴之材而至土無杭稻故酒多
黍釀土宜桑絲然秦漢以來兵革代興戶口散亡而樹
桑者什一而已故織紵不廣男女衣服多布多麻泉綾
縑之屬惟長垣有之然亦不逮南州之精美也嗟乎州
邑之間庶幾長厚務本矣此其古魯衛遺風流美也子
謹列而識之若他蔬果花鳥非郡縣有司之亟也故不
詳書

田賦志

卷五

北直四

六

予按傳記次大名境內三代以來戶口贏縮之數蕭何
嘗收秦圖籍史記不載下及曹魏晉宋五代畧矣漢魏
隋唐迄宋金元之際稍稍藉記割隸州邑與今時不同
以難詳定嘗括其數之現存者詳睹之兩漢爲最盛何
者休養生息世久故也我國家洪武初承金元之後戶
口涸耗閭里數空諸州縣顧從山西澤潞之民填寡之
余過魏縣長老云魏縣非土著者什八及濬滑內黃東
明之間隸屯田者什三可概見矣然百餘年後累聖德
澤土無兵革之間民人樹畜稍稍填溢其中蓋嘗次之
洪武初境內州縣爲里三百二十五宏治十五年則益

二百二十有七宣德以前戶口不可考正統七年計戶五萬一千八百八十三口二十九萬二千六百二十四宏治十五年則益戶一萬七千九百二十一口三十一萬二千五百二十五故孝皇帝時號爲極盛與兩漢相當正德間徵需滋煩民或不給間多水旱凶荒數轉徙無著故四十餘年以來男女稍孳息口益三萬四千四百八十七而里甲漸耗減其里六十有一減其戶一千九百四十九此其大較也草豐則獸肥林茂則鳥歸法網疏德澤洽則民人滋予觀關塞北轉力疲於戍守江南之民澤竭於歲徵淮濟而下脰削於夫役大名諸州

縣稱河北沃土近年獨戶口日耗者何哉間行諸州縣召長老問疾苦狀長老前曰江南之患糧爲最河北之患馬爲最且故時俵馬悉隨孳生近則必市西馬費每數倍近年以來額外復有餘地之徵民不堪命一也成化以前民間自兩稅馬糧以外不過歲給官師臺皂廩役而已宏治以後中外坐派歲增什倍其六其最鉅者若京班皂隸及惜薪司柴夫歲入三萬諸郡縣驛傳亦歲費二萬有奇此寔民所不堪者二也正統時州縣始設機兵正德間懲薊盜之亂復益置快手歲費金一萬以上三也宏治以前河難數患薪芻夫役徵輸有時邇

年以來河或南徙歲設白夫二千五百名故時歲費計金亦七千五百近稍從未減然亦不止四也去治以前歲常豐稔間有凶荒亦什之一二而已正德以來水旱相仍斗米千錢者相望况土之俗故不爲積貯少急則轉徙亡棄五也國初以其土曠賦輕之時計口而食之者特八萬有奇故其力贍而戶日增今則以其歛厚災數之時計口而養之也至六十萬以上故其力耗而戶不得不日減此其勢也嗚呼爲民牧者所宜歎歎太息也已余故首論國家來戶口贏縮之數次疏稅賦之額俾有司者按籍而酌計焉 一曰邱畝大名之上曼衍

非若秦隴江淮會稽豫章長沙象郡閩蜀嶺海之間阻山塹谷其籍可畫而守也然國家草昧之初戶口散亡圖籍不存當時州縣長吏率按民間口畫丈度所及而籍之故其夏地秋地棉花棗林農桑之額不同而別有馬廠窖廠並爲官地其所照佃而徵入子粒額最輕民不得賣買邇年以來自官地外盡已隸衛然諸州縣之籍草次兵燹之餘故自相廣狹互有不齊有大畝有小畝小畝者卽周人六尺爲弓而步二百四十是也大畝則倍之而上下有差或以五百四十步或以七百二十步或一千二百步是也而養馬之額亦頗贏縮以驟馬

一匹爲率最重者二頃三十畝而最減者爲八百五十畝數糧之次第紛雜逮出乎其間而又聞民間隱沒至頃畝以上雖里甲什伍之中不能私相次舉按大名之土連亘數百里無甚懸隔何盤悖至此也予竊謂田賦必均而后可久除沙茅之地別藉外請檄諸州縣長史畫一而度之以鈔准尺以尺准步以步准畝以畝准賦倣江南魚鱗冊故事而編次之舊所籍不齊之額悉罷去而括其賦之見在者均攤於州縣之間一切糧稅馬草驛傳均徭里甲之類率例視之以差數百里之間風土人煙同條共貫或稍寧謐矣此今日有司之事也然

俗習旣久稍更必拂余不敢必其可行特草議以待來者今按嘉靖三十一年所入之版書之於後其大地四萬七千一百八十一頃八十五畝二分二釐七毫四絲一忽而諸州縣私相廣狹之數並附見焉

徭役志

夫徭役卽古力役之徵也然地里遠近不同故以其身入庸者曰力差所待於府州縣境內者是也人其庸之值而聽官轉募者曰銀差所待於京師職署及他州縣驛遞之類是也又歲計所入天子犧牲果品物料之需以及歲貢科第諸所雜出之費者曰聽差聽差者言不

可為歲額而藉貯之以待用者也。大較舊時歲徵額共一十二萬二千五百七十八兩有奇，今額止共一十萬七千二百三十三兩有奇，而間或上下有差。江淮之間率如里甲之法，十年次之者一，而河濟以北三歲一徵，特數已故時諸州縣唯藉丁為九品而不計其田里，胥稍得狐伏，風沒於其間，而貧弱者不堪，往往因而亡徙。嘉靖以來始倣以田准丁，以丁准田之法，相配行之，民力頗均矣。

兵防志

按大名當河山割裂之間，自古強兵銳卒，蘇秦所稱武

卷五

北直四

二

士奮擊，天下莫強焉者也。漢初令天下郡國城置材官

騎士，以八月屬部都尉太守，令長丞為會都試。韓延壽

翟義皆以都試者起。光武以河北兵定天下，乃於濬州

置黎陽營。註：伏侯云：每營四千人。以謁者領之。是後臧宮度尚之

屬，往往將黎陽兵，逐破羗人。按：後漢書臧宮將黎陽兵，破賊度尚將黎陽兵，破岑

陵馬武、竇固、陳訢將黎陽兵，平羗人。竇憲將黎陽兵，破

匈奴。劉尚將黎陽兵，平迷唐羗。鄧訓將黎陽兵，屯狐奴。

備烏桓。烏桓畏其威，名不敢近。是在秦漢間已稱雄長

矣。唐天寶間置義成軍，是時河北諸鎮數失，而義成軍

者獨全，以待朝廷。厥後田承嗣父子踵亂，改義成曰天

田承嗣舉管內

雄軍，恃其兵力，抗衡天下。九世四姓，迄於唐亡。

川口北者皆藉為兵有衆十萬選其驍健者萬人自當
衛號曰才兵梁貞助元年楊師厚復置銀錦節拔

宋之世迫近契丹建北京置武衛簡河北驍勇善射之

士悉為義勇當是時兵力最盛是以契丹恃其驕悍大

舉入寇卒無成功按宋史太平興國間立雲捷雄武

等軍於澶州東明長葛滑州以指揮領之咸平三年

置壯勇軍於滑州通利指揮二大中祥符間置威武虎翼

軍於東明澶州通利指揮各二慶歷間置宣毅效忠

靖戎拳手龍衛廣勇廣捷等軍於澶州滑州東明指揮

各為大名路慶歷六年詔分河北為四路北京滑州通利

府五十二為四番熙寧元年詔京東武衛六指揮隸

大名府路而北京滑州復置驍射軍通利置威遠保節

廣濟軍大名府置宣武廣威軍滑州置騎射保忠奉化

雄勇軍元豐四年改五路義勇為保甲秋懿列定部

領之澶州教習大保長四百八十二人見於崇政殿召

執政閱試補三軍借以職銜差使建隆中滑州置武

卷五 北直四

捷軍大名立宣武衛馬監軍元符元年大名等府置

馬軍廣威步軍廣捷政和元年詔滑州屯禁軍三千

蓋悉天下兵力聚於澶滑之間故其兵制獨備綴欽昏

懦乃以內侍梁方平統兵拒之將領失人遂至潰敗要

非兵卒之不銳也建炎以來政令不行於河北金人概

藉民戶為軍民怨滋甚蓋邊地然也金正隆四年詔藉

年二十以上五十以下者悉從征元更其制每二十丁

雖年老多子求一子留侍不聽起軍一名而以萬戶統之

起軍一名而以萬戶統之間以江南新附軍錯置之太

宗八年詔大名路於斷事官忽都完新藉民戶三十七

萬二千九百七十八數內每二十丁起軍一名令各不

葉兒領之中統二年詔藉大名路蒙古漢人民戶悉為

軍四年罷大名路新僉防城戍卒至元十六年調江南

新附軍五千編置大此秦漢以來兵制強弱之效可概

見矣、本朝畿輔列郡、建衛者五、守禦所者一、而大名獨
罷兵衛、豈不以魏擅兩河之樞、其人習挽強椎剽、代數
爲亂、故監古割其左翼之濟博、隸山東、右翼之鄴汲、隸
河南、支伏戍兵、臨清彰德、真定之間、以爲形聲犄角之
勢、又以山西之寧武蒲州、陝西之潼關、諸衛所轄、隸於
此、以備緩急、而郡獨罷置、歟、由余觀之、大名上蔓衍不
可列都、而可與爭利、自古天下無發難則已、稍發難則
首兵禍事在年紀可鑒也、當金之南渡也、亦嘗曰、使南
朝以一二千人守河、吾豈得渡哉、已而李綱宗澤經理
兩河、並募兵數萬、屯駐大名、以形制京東西諸郡、今河

既南徙、而國家復建都燕薊、宋之所謂北門、今乃爲南
郡矣、故其形勢、稍有不合、然由濬則可以窺洛陽、由開
則可以窺山東、由洛則可以窺常山、其轉樞中原之勢、
隱然在也、特首領腹心之差耳、正統己巳之變、于肅愍
始添機兵、以爲城守、正德以來、薊盜猖獗、出沒境內者
經年、馬太守卿檄諸州縣繕城浚隄、收官寺銅浮屠像
鑄爲戎器、召募膂力、別爲隊伍、擇縣令陳智教諭陳惻
領其事、申明號令、懸賞格以訓厲之、聲振河朔間、盜謀
聞之、潛出東境、不敢犯、賊既蕩平、當事者於是建議置
兵備僉事一員、今上改元、因巡按歐珠議陞僉事爲副

使隸河南按察司奉專勅建節大名以控兩河之間始
轄廣平大名兩府近乃兼轄順德督令三郡馬步兵四
千有奇而大名所藉者馬步兵九百五十名團操民壯
一十五百名快手一百九十名
以操官十一員領之別有撫院馬兵二百九十名步兵
三百十四名易州道馬兵十八名
步兵十九名天津道馬兵七十二名步兵七十二名
名木府守宿兵快一百名不與此數詳見徭役志歲秋
移鎮順德防馬嶺等口嘉靖三十三年總督楊公建議
順德府邊隘北起馬嶺錦繡堂
等口南至黃背岩數道岩等口止俱屬防守順德守禦
百戶所德州衛德州左衛寧山衛蒲州潼關二所俱聽
節制六月中旬以後暫駐順德偵探敵警緩急調度防禦三時則肄武始與古者之
制稍稍合矣予觀國家內外置衛戍守之兵列屯坐食
而已無可與格敵者往往有警惟驅鄉兵以為爭利合

刃之先而况大名多剽悍閭里少年並習弓弩酌酒使
氣為節俠猶古魏勁兵遺風也有司能無徒視為故事
悉藉諸州縣壯悍者隸之畧如唐李抱真澤潞之法歲
設賞格特自便宜團結訓練以備非常寔國家腹心之
地一勝策也予故詳著其本末及本道建置之原以備
一方戎制也

馬政志

國朝洪武二十八年革羣監官令有司提調孳牧每五
馬立一羣五羣立一長永樂中始訂丁養馬每一丁養
壯馬一三丁養牝馬一兩歲納一駒並免稅糧之半宏

治六年兵部奏更爲計地養馬之法每牝馬一匹編地五十畝牝馬一匹編地百畝正德二年御史王德建議令大名等府於種兒馬中揀選四尺以上十歲以下者解寺俵印其矮小老弱者聽其買價賣償近年以來邊方多事馬非臆壯不准印烙往往市西馬以充額費乃十倍民不堪命矣後因薊盜猖獗巡撫都御史韓檄諸郡縣每畝徵銀二分以爲買馬徵調之費此特一時額引之徵不意遂貽害於無窮也至今乃有餘地徵銀之例隆慶五年撫按疏請豁免會州楊少傅爲本兵覆題奉旨免徵遂得拔去數十年禍本云

兵備副使王一元大名府志後叙

叙曰自昔理人者縣法憲令曷嘗不孳孳於民之故天下之慮哉故當時則粲然易世則弗諼其仁覆無窮至與天地相敝者惟書也史是已而郡國志則史之分也非郡國志則不能以成國史微史則無以存往跡而善治嗟乎其重矣哉夫大名者古之魏也以其衿帶西河介於山東西之間故常爲天下樞至後分割則魏又爲北戶屹然外捍故魏者重地也譬魏於全盛則人之臆也列之則熏於心其在偏安則背也捫之則扼於吭故君子而無天下之慮則已誠有之其所以徵古驗今保

輔員幅以鞏輿圖者胡可緩哉而其志顧久弗治非以其重地難之耶頃歲茅子順甫來倅則嘗爲之茅子文士又喜事然莫之和卒弗就去矣而再至又竟弗就遺其草且落蓋久之而值大中丞鄭公巡察姜公董學馬公咸鉅人孳孳於民之故天下之慮顧大名無能志之者而潘子時乘適以太史踵而至於是兩臺交檄余予受以檄府而太守李子應乾者猶肫肫家其官則相與委重潘子徵召文學夜以繼日蓋末年歲而書成其文悉本史遷而備春秋編年之法精確爾雅近所未見也其志之良乎乃予猶有重於斯志者其孳孳於民之故

天下之慮也蓋一篇之中三致意焉圖首言大名之地三割矣縱三而橫一固聖王所以披強也然而形束壤制則尊周者亦無以成夾輔之功然則交隣之誼犄角之勢不可不講也地近而分則雜五民奸宄彼此窟穴求盜或不得是故其治橫爲急縱次之不可不知也述沿革者制也述紀年者政也蓋曰其所不可得而議者王制也所可得而因革張設者官政也不可不思也帝后人物之大也山川故跡之聚也是故先之而山川之言治水尤詳嗟乎夫水爲魏患久矣堙汨則有近功而多後患寬爲之道務以疏之則順於水而財誦非臚列

嘉言擇於長算則不能以成醜沈澹災之功是故詳之夫夷土之於故跡蔑如矣然其流風宛然責民風於上之化夫誰得而辭之惟土物愛而無竒淫鹽者國之利也故其志曰長厚務本蓋余讀至於賦役之志而有惑於民之遭也當是時兩臺寬民歲以千萬計日拊循之不休志中時時見焉異日者秩祀且有考矣而予以書生職兵且再歲顧不能使弭盜得不泚顏哉甚矣夫馬政之敝也法使民多馬歲攻駒而入之圉人乃今所入非所字所字者類不中度徒取其文吏操以爲奸至有緩急率復他市是以民甚苦之而莫以爲言者馬

政重也夫北方之民以地曠稅少爲饒而不能富樂者職以馬也官大者卽不賢不得以逃其民除其最小者非賢也不得以名道是齊豹三叛之義也首舉其書而傳特記其亡者罷而去者以事示定蓋其嚴矣夫作志者其有憂乎故志宵人而以僭僞同傳非以其類乎蓋有秋之義扶陽抑陰莫先於正邪而夷夏之防次之戎具辨之不早辨也於是乎徵之獻焉徵之文焉吁其備矣蓋志有難者八焉不詳則事不該而米鹽詳之則蕪不簡則要不舉而太簡則傷畧舉其六則見以爲不勤小物忽羸豕弛童牛而細故毛舉則謂之不知類遠古

之事傳之則荒忽茫昧近於誣而不傳則羊去而禮亡
文不酌諸古則不雅醇古則遠於俗而不適於用當世
之顯人善而傳之則有官盛之嫌而置之則無以示至
公不善不諱則怨興而改枋頭則傷於直筆章而不微
則戾周身之防而微之則或不習其讀而無以鏡後故
志所以難者也斯志也酌繁簡兼小大綜今古存美刺
不猥不并不窳不劇常直書而見義則可謂曲暢微顯
者矣故曰其志之良乎余茲有以藉手而復於兩臺矣
後有孳孳於民之故天下之慮者得以攷焉

大名縣志

卷五

北直四

七

衛河在治南三里許源發於河南衛輝府輝縣蘇門山
自淇門入本府濬縣界受淇湯諸水經內黃與漳水合
東北至縣境大巖屯橫腰南界又東北注於龍王廟達
臨清下流與滹沱河合至直沽入海同濟漕運故一名
御河

漳河有二曰清漳曰濁漳清漳出山西太原府樂平縣
沙山濁漳出潞安府長子縣發鳩山至相州鄴縣與清
漳合書曰衛漳蓋漳橫流也周定王五年河徙而東故
漳水不入河而自達於海國初漳西注魏縣北歷元城
西店東注山東館陶縣入衛正德初始徙府南閻家渡

入衛又十餘年自雙井入衛嘉靖初自回龍鎮迤上三里武家庄入衛後復自內黃田石村入衛萬歷戊子徙魏縣旋由故道徙肥鄉成安曲周諸縣會達天津議曰大名患久矣近徙成安肥鄉等縣或者河伯有靈不欲重困此一方乎而今則議改之艾家口艾家口距郡城邑城之中去郡一里去邑止半里漳北則設郡城南溢則蓋邑城此必然之勢也然郡城地稍高亢若本縣地最窪下漳河之湓如在縣城之巔水勢利於建甌且縣南二里餘又有衛河亦每年大發水勢洶勇彼此加攻勢必無大名矣况河原應駐之使去今則西欲引之使來今日者以廣平之害而遺之大名異日者天將以竊謂事之不必矯舉工之不必詭成也

支河在縣西塗公新開距城僅半里許屢肆衝沒知縣趙一鶴請郡主翟公塞之

卷五

北直四

三

硝河者泄鹵下墊凡所經流卒數歲不能芻牧一由滑縣北逕開州戚城匯趙村陂傅家河注岳儒固達館陶或北注大名一由石村潞內黃縣東北逕大名大嚴屯邊馬集馬村東注或注南樂縣霸王溝北張甫小支河萬歷二十九年知縣江騰蛟會同南樂知縣卽舊河身小加挑浚水直東下今居民率佃治其間河身漸為平陸矣按郡志云硝河十之三自飲牛口注衛十之七自梅家口注衛與今經流不大同姑記於此

漳河堤隆慶五年知縣李本意築南接樓底舊堤自老隄頭止約五十餘里北接龍王廟舊堤自艾家口止約

二十餘里

華侯隄起縣西關隄北隅至回隆九十里嘉靖二十七年築

甄侯隄起駢村新河口至內黃田石界約百里有奇嘉靖三十四年築

金隄勢如岡嶺自東南入縣界漢書曰河決陵棗東潰金隄則漢文帝時已有矣凡大名元城南樂清豐開州

東明滑臺之境皆有之縣百二百餘里
牧隄在縣東十二里

清豐縣志

卷五 北直四

七

淇河

寰宇記云在頓邱舊縣北五里上接清豐縣下入觀城縣又載淇水在臨河廢縣東南五里黃河北

岸東經縣界三十里入清豐縣

繁泉

在臨河廢縣土地十三州志云漕水在頓丘西南三十里伏流至繁水城西南謂之繁泉

復關堤

寰宇記澶州臨河縣復關在南其堤在河三百步自黎陽入清豐縣界

金堤

在清豐南四十五里按地志沿革云金堤上接清豐下接南樂縣界又在德溝廢城東南五里所謂

德清軍卽舊之頓邱鎮也又漢書金堤古堰也成帝時王延世運土以塞河決自金堤而增築之堤

上有金堤驛秦女樓金堤關

蒲漳營倉口營車網營郝村營俱在城西南四十里劉

家庄營城西南五十里永樂年間以土曠人稀徙山西

潞州衛軍人散處墾闢屯糧舊志云國初屯地非止一

方不徒爲墾闢之謀且有犬牙相制之意但軍民雜處莫相鈐轄或寄買民業而賦役是逃或窩住奸民而勾攝是拒甚或屯官與軍爲奸縱肆寇掠有司莫敢誰何設管又遠難申達其害常有不可勝言者往時當道使宜設策通行各屯擇立鄉長編排人甲朔望亦赴有司呈遞執結兼聽鈐轄非但可消郡邑小梗之虞亦可備萬一不軌之變申明而遵守之誠善後之良猷也

王永壽治河議

議曰魏縣地平土疏去漳水發源不遠瀕河之田賴堤以稼而西南上游接安陽內黃與山西潞安諸屯營界

卷五

北直四

三

北勢下則與元城大名共處水匯故夏秋之交水患孔棘論者憂之而未有以掾也蓋古之遂溝洫澮皆以通水於川也遂縱溝橫洫縱澮橫遂入溝溝入洫洫入澮澮注川而溝必因水勢防必因地勢有周井疆之法如此自秦廢井田開阡陌而溝洫之制大壞萬世而下井田雖不可行而溝洫之遺制則不可盡廢况今魏之境內漳河故道經絡旁午於其間者宛然可尋故鄉里之名或曰某溝或曰某口或曰斗門恐卽前代溝渠之遺也獨不可倣其遺制而分支流以殺水勢乎又按境內平原曠野率有洿下或曰某陂或曰某洿或曰某灣或

曰羅池者固多不能皆近河道每霖雨連朝則隨處陂
洿灣池遞相灌注一望無際其患不減漳河俗名樂水
則溝渠之制尤不可以不講也苟相其地勢洿近河循
之而下某陂達某灣某灣達某灣皆因其勢而利導之
以屬於河則所謂堤灣陂堰者於天時無雨則由溝以
蓄水而田可施灌溉之功所謂陂洿池灣者於天時多
雨則由溝以洩水而地可無淹沒之患蓋下流既疏則
水性順遂不但可以拯民於旱澇而郡城亦且永保無
虞矣

卷五

北直四

三

天下郡國利病書卷五終

敝文閣聚珍版